



Europeada 2012

■ (cp) Avant quatter onns ha gè lieu en la Rumantschia per l'emprima giada il Campiunadi europeic da ballape da las linguas minoritaras. Il turnier da ballape, al qual han participà differents minoritads linguisticas da l'entira Europa, ha durà in'emna ed è vegnì enritgì cun in program cultural multifar. La finamira da l'occurrenza è stà da promover il contact ed il barat tranter las minoritads linguisticas europeicas. L'Europeada 2008 ha gè in grond eco en las medias ed è vegnida ludada dals giugadurs e da las organisaziuns participadas. <http://www.europeada2008.net/>

Quatter onns pli tard, parallelmain cun il Campiunadi europeic da ballape da l'Uefa, ha lieu in'ulteriura Europeada. L'organisatura principala da l'Europeada 2012 è l'Uniun federalistica da las cuminanzas etnicas europeicas (UFCE). Questa giada sa mesiran las 20 equipas durant in'emna tar la minoritad sorba en la Germania da l'ost. La Giuventetgna Rumantscha (GiuRu) e la Lia Rumantscha (LR) èn persvasas da l'effect duravel e da la necessitad d'ina Europeada. Per quest motiv mettan questas duas organisaziuns en pe ina selezziun da giuvenis Rumantschs che duai sa participar a l'Europeada 2012.

Per il turnier dals 16–24 da zercladur 2012 en la Lusazia (Lausitz/D) tshertga la GiuRu giugadurs potenzials. Per l'equipa rumantscha po sa participar mintgin che discurra rumantsch e vulesse emprender d'enconuscher autras minoritads linguisticas. I pon sa participar sulettamain umens. Experiencescha da dar ballape è d'avantatg, dentant betg exnum necessari. La finamira primara è da pudair sa barattar cun autras minoritads. Sper il turnier porschan ils Sorbs in program cultural varià e la pussaivladad da star da cumpagnia.

L'Europeada 2012 è ina purschida attractiva surtut per giuvenils, cunquai che la gronda part dals custs per ils giugadurs è cuverta. Per l'equipa da ballape rumantscha po la GiuRu offrir ca. 20 plazs. Las annunzias vegnan resguardadas tenor l'entrada. Sco gia avant quatter onns accompagna il coach *Eros Bonolini* da Schluein l'equipa rumantscha.

Annunzias ed ulteriuras infurmaziuns:
**GiuRu, tel. 076 542 22 77, www.giuru.ch,
www.facebook.com/GiuventetgnaRumantscha**